

Handwritten text in red ink, possibly a name or title.

Handwritten text in black ink, possibly a name or title, written in a curved path.

1916




Handwritten signature or initials in blue ink.

ଲମ୍ବି ନିଧିରାଜ



" Երեւանի 2 շտապ" 1916.

Ն. Ջոյ




1. Լուսավորության նախարարի ժողովի քարտեզի թիվ 45. 01.20.16.
2. Երեւանի քարտեզի թիվ 33
3. Երեւան - 33
4. Երեւան - Երևանի քարտեզի թիվ 25 (տեղեկություն)
5. Երեւանի քարտեզի թիվ 6.
5. Երեւանի քարտեզի թիվ 5.
6. Երեւանի քարտեզի թիվ 12.
7. Երեւանի քարտեզի թիվ 17, 24.
8. Երեւանի քարտեզի թիվ 13

ქვეყნის

იუმორისტ.
ჟურნალი

პატრიარქი

№ 1



ო. ულინ



დრო. აი, შეილო, ახლა შეგიძლია ერიშით მიხვიდე. წინეთ ასეთი სამკაული საჭირო არა ყოფილა. ახლა კი დროება გამოიცვალა. შენ ის ბებერი უნდა დაამარცხო და შისი პოზიცია აიღო. აბა, წინ წა! (იხ. მეორე სურათი მე-16 გვერდზე).

ვაცხადებთ მკითხველთა საყურადღებოთ, რომ
საახალწლო მოთხრობა თაგუნასი—ვერ იბეჭდება
ამ ნომერში უადგილობისა გამო.

ახალი წელი.

(იგავისებური)

დედამ პატარა წიგნი მაჩუქა.
ლამაზი წიგნი, ასი ფურცელი...
მე კი, სირეგვინით გატაცებულმა
თავდავიწყებით მოვხვიე ხელი
და გადავშალე...
სწრაფად და მალე!..

პირველი გვერდის ვერა გავიგე...
მესამეზე კი ხმა ამოვიღე...
უზრუნველობის, ცელქობის ხანა!!!
სამოთხე იყო ჩემთვის ქვიყანა...
დაუდგრომელი თამაში, ხტომა...
ტურფა ზაფხული, და შემოდგომა
სისწრაფიდ ვლიდენ
და ფურცლებს ცვლიდენ!..

მეათე გვერდი რო გადავშალე,
კილო საგრძნობლად გამოვიცვალე.
ხან რაღაც „სწავლა“ გამიჩნდა ჭირად,
ხან თოხი ხელში ყანისა პირად...
გული თუმც მქონდა შევებით აღსავსე,
მე მასში მაინც ვერ მოვათავსე
უზრუნველობა განვლილთა დღეთა,
და მისწრაფება სიამაყეთა.
ვსდევ დროთა ბრუნვას...
შეუღდექ ზრუნვას!..

უკვე, მეოცე გვერდს მივახწიე
და დადგა ჩემი გაწა-მაწიე...
გამაგრდა მკლავის და გულის ძალა,
ცხოვრებას რიდე ჩამოეცალა.
გრძნობა, გონებას გაუდგა განზე
უკვე იბრძვიან რაღაც საგანზე
და თუმცა გული კვლავ წინ მიილტვის
მას აჩრდილი სდევს კრთომის და იქვის.
ფიქრი ნაფარდობს
გული კი დარდობს!..


მეოცდა ათე გვერდს რომ დავხედე...
ხმის ამოღებაც ვეღარ გავბედე.
წიგნს მოხვედრია ვიღაცას ხელი
და მოუპარავს ათი ფურცელი!!
ნეტავ ვინა ჰქნა იმ უმადურმა?!
გული ამივსო მტრობამ და შურმა...
და სინამდვილე
ნათლად ვიხილე!

მეორმოცე გვერდს დავხედე როცა
შევკრთი, ცხოვრება იმზომ მეოცა.
თითქო განგებაც ჩემი მტერია:
გულში გამეფდა ბუჭლალტერია!
ცას ლაქვარდოვანს თვალი ვერა სქვრეტს
ყორნები სცვლიინ იადონს და მტრედს.
გრძნობა განელდა
ცა ჩამოზნელდა.

დღეს მესამოცე ვნახე ფურცელი
და მწუხარებას ძლივს გავუძელი.
შევატყვე, ხელი ამიკანკალდა
კარგად დახედვაც აღარ დამცალდა...
იქ მე სურათი რო დავინახე
ვეღარ ვიცანი შიგ ჩემი სახე...
თვალნი მივაპყარ ჟამს გარდასულსა
გულით ვეუფლე დროსა წარსულსა.

ვზივარ გულ გრილი,
გულ განაცივი,
ჩემში გამქრალა
იმედის სხივი...
ვათვალიერებ
განვლილ ფურცელთა
და ველი შიშით
ახალთა წელთა.

— კი.



წლიური მიმოხილვა.

რეიმის მშენიერი ტაძრის დანგრევა, გარდა ამისა რომ თავისთავად დიდ უბედურებას წარმოადგენდა ხელოვნების სფეროში, სიმბოლიურ მოვლენათაც უნდა ჩაითვალოს. ამ საშინელი ბოროტ-მოქმედებით

მართლაც ჩაჭრა ლამპარი ყველა იმ ტაძარში, სადაც მშვიდობიანობის დროს კაცობრიობა ლოცულობდა და სამაგიეროთ აღიმართა ერთი საშინელი სამსხვერპლო, და ამ სამსხვერპლოზე გუზგუზებს ხარბი და უძღები კოცონი და იწვის ადამიანთა დაუსრულებელი ჰეკატომბები.

ომის გავლენა ვერც ჩვენმა ეროვნულმა ხელოვნებამ აიცილნა და საქართველოშიაც შეწყდა პირველი შეხედვით დაუცხრომელი შემოქმედება ხელოვნების სხვა და სხვა დარგის მხატვრებისა.

საანგარიშო 1915 წელს თავამათ შეგვიძლიან ქართულ ხელოვნების თვლემის წელი ვუწოდოთ.

ამ წლის განმავლობაში მთელ საქართველოში არსად გამართულა ქართული მხატვრობისა, თუ ქანდაკების ნაწარმოებთა საყურადღებო გამოფენა, არც ხუროთ მოძღვართა პროექტების კონკურსი, არც ქართული „როკვა“ ანუ ბალეტი, არც ახალი ქართული ოპერის წარმოდგენა...

მაინცა და მაინც ეს გარემოება სრულიადაც არ ნიშნავს, თითქოს ჩვენი ეროვნული ხელოვნების მჯგის ცემა შეწყვეტილიყოს და ქართველი ხელოვანი ამ წლის განმავლობაში გულ-ხელ დაკრეფილნი მსხდარიყვნენ. მართალია საჯაროთ, ქვეყნის დასახანავათ არა გამოფენილა-რა, მაგრამ იქ, ქართველ ქურუმთა მყუდრო სახელოსნოეში და კაბინეტებში, დაუცხრომელი ჩუმი მუშაობა სწარმოებდა და ჩვენც მოვალენი ვართ თვალი გადავავლოთ, აღვუხსოთ მაინც ამ მუშაობის ნაყოფი.

1.

დ რ ა მ ა.

ყველაზე საყურადღებო დრამატიული ნაწარმოები გასულ 1915 წელში, როგორც მოსალოდნელი იყო, ჩვენმა საუკეთესო დრამატურგმა—გაზეთმა „Заканк. Рѣчь—“მა დასწერა; მართალია უკანასკნელი მოქმედება ჯერ არ დაუმთავრებია,

მაგრამ, ვინაიდან მხოლოდ საფინალო სცენა-ლა დაარჩა დასაწერათ, თამამათ შეგვიძლია ნაწარმოები დაწერილათ მივიჩნიოთ.

ჩვენი სასიქადულო დრამატურგის ახალი ნაწარმოები — ტრაგედიაა. მხატვრული ღირსებანი ამ ქეშმარიტათ უბადლოდ ტრაგედიისა ყოველ ექვს გარეშე დგანან: საუცხოვოთ გასკვნილი კვანძი, მოქმედების თანდათანობითი ზრდა, ვნებათა და დაბრკოლებათა სიდიადე და მათ შეჯახებათა საშინელობა, თავზარდამცემი კატასტროფის აუცილებლობა და ბოლოს თვით ეს ბუმბერაზი კატასტროფი—ამ შესანიშნავ ტრაგედიის თვით შექსპირისა და ძველ ტრაგიკოსების აისქილოსის, ვერიპიდესი და სოფოკლეს-ტრაგედიებზე გაცილებით მაღლა აყენებს. ამას ჩვენ სრული გულდამშვიდებით აღვიარებთ და გვგონია რომ არც არავინ შეგვედავება. უმთავრესი აღმატებითი ღირსება ამ ტრაგედიისა ხსენებულ უცხო ტრაგიკოსების ნაწარმოებთა წინაშე ის არის, რომ ჩვენი დრამატურგი თავის შესანიშნავ თხუზელებაში კერძო პიროვნებებს და მათ პირად ვნებათა აშლას როდი გვიხატავს, არამედ მთელი ერები გამოჰყავს გმირებათ და ამ ერთა შორის მიძღვარებას აღვივებს და აჩაღებს შეუღარებელი მხატვრული თანდათანობით. უმთავრესი მოქმედი პირი ტრაგედიისა არის გვამი მეტათ ცბიერი და დაუნდობელი, სახელოთ გრუზინი, რომლის როლი შექსპირის იაგოს როლს წააგავს იმ განსხვავებით რომ შექსპირის იაგო მხოლოდ კინინია, მინიატურაა გრუზინთან შედარებით, რადგან პირველი მხოლოდ ცოლ-ქმართა შორის სთესავს თავის მოშხამულ თესლს, ხოლო უკანასკნელი ეროვნებათა შორის. როგორც ზემოთ მოვიხსენეთ, ტრაგედია ჯერ სავსებით დასრულებული არ არის

ჩვენ შეუცდომლათ შეგვიძლიან ტრაგედიის ფინალის წინასწარ გათვალისწინება. რაც დაწერილა კიდევ, ცხადყოფს ავტორის განზრახვას: ექვი არ არის მას სურს უკანასკნელ სცენაში მთლიანათ დააჯახოს ერთმანერთს ეს ორი ეროვნება...

უნდა აღვნიშნოთ, რომ ამ შესანიშნავი ტრაგედიის სცენაზე წარმოდგენა ყოვლათ შეუძლებელი იქნება: თუმცა პრემიერების შოვნა არც ისე ძნელია, მაგრამ სალიანგო (მასიური) სცენების დადგმა არას გზით არ მოხერხდება, ვინაიდან სტატისტების შოვნა ფრიად გასქირდება.

ეს გარემოება სრულიადაც არ ამცირებს დიდებული ტრაგედიის ღირსებებს: მართალია კავკასიის ვერც ერთი თეატრი ვერ წარმოადგენს მას, მაგრამ ჩვენი ხელოვნების სალაროში ხომ მაინც სამარადისოთ დარჩება, როგორც გასაცვიფრებელი მხატვრული დოკუმენტი...

2.

მ ხ ა ტ ვ რ ო ბ ა .

ამ დარგში პირველობა ჩვენს ახალგაზრდა მხატვარს, გაზეთ „საქართველოს“, ეკუთვნის. ეს მხატვარი საანგარიშო წელში გამოვიდა ასპარეზზე და საკვირველია, რომ პირველივე მისი თხზულება ზესთაბუნებრივი ნიჭით არის აღბეჭდილი და ნამდვილ შედეგს წარმოადგენს. მთავარი ღირსება ქაბუკ მხატვრის შემოქმედებისა არის ლალი და ზღვარდაუდებელი ფანტაზია, ფრთაგაშლილი და ძალუმით მქროლავი, მისი პირველი გრადიოზული ტილო ტიტანის შემოქმედებას ამხელს: ავტორის ძლიერი ოცნება ზღაპრულ ფასკუნჯივით დასტრიალებს დიდებულ ნაწარმოებს და ქარიშხალივით ნავარდობს საუცხოო ფერადებში. ამ ტილოს სახელათ ჰქვია „სამშობლო ანუ ერთობილი ქართლი“ და გარდა ზემოხსენებული ღირსებისა მით არის შესანიშნავი, რომ ახალ ხანას იწყებს ქართულ ხელოვნებაში თავისი ორიგინალური მიმართულებით. აქ, თუ შეიძლება ასე ითქვას, ხელოვნება გამეცნიერებულია და მეცნიერება გახელოვნებული: მხატვრობა და გეოგრაფია ურთიერთთან შეუღლებია მხატვარს ისე ოსტატურათ და ისეთი გემოვნებით, რომ არავითარი ნაძალადეობა, არც თუ მხატვრობის სფეროში გეოგრაფიის „შეჭრილობა“ არ ეტყობა.

თქვენ წინ იზღვება თვალის დამატყვევებელი პანორამა „ერთობილი ქართლისა“, რომელიც გადაქიმულია სკუტარიდან ვიდრე სამარყანამდე და დნებრიდან ვიდრე მეწამულ ზღვამდე. ვერც სხვა ვინმე ხელოვანი და მით უმეტეს ვერც მაყურებელი ვერ მიწვდება იმ საიდუმლოს ფერადებისას, რომლის საშვალებითაც ჩვენი მხატვარი სიშორეს გამოხატავს. მთელი ეს უღვევლი სივრცე ერთობილი ქართლისა დასასტლებულია ქართველთა ტომებით და თქვენ ნათლად ხედავთ უაღრესი ხელოვნებით ცოცხალ-ქმნილთ, ეროვნულ სამოსელში გამოწყობილთ და თავით ფეხამდე შეიარაღებულ ქართველებს, იქ კი, შორს, საქართველოს მიჯნას

იქით, უკან მოუხედავთ გარბიან დამფრთხალი უცხოელები და თქვენ თითქოს გესმით მათი შეშინებული ყვირილი, ქართველთა მამაცი ყიყინა და იარაღთა ჯღარუნია...

ყოველად შეუძლებელია ამ სურათის აღწერა და მისი ნახვის შთაბეჭდილებათა გადმოცემა. საუკიროა, თავთ ნახოთ მეოცე საუკუნის ეს მოულოდნელი სასწაული და უშუალოთ დასტვებით მისი სიმშვენიერით. მაგრამ, ვაი, რომ ერთი წმინდათ ფიზიკური ხასიათის გარემოება ხელს უშლის მაყურებელს მთლიანათ გადაავლოს თვალი სურათს: ტილო ისე დიდია, რომ მისი ერთიანათ გაშლა ყოველად შეუძლებელია, რადგან დღევანდელ საქართველოს საზღვრებში ვერას გზით ვერ დაეტევა, ხოლო ჩვენი გაუტანელი მეზობლების იმედი რომ თავიანთი ტერიტორია (ვითომ „თავიანთი“?!?) დაგვიტომონ სურათის კიდების მოსათავსებლათ, არა შემთხვევაში არ უნდა ვიქონიოთ.

3.

მუსიკა.

ახალ-წელთან ერთად გულის სიამაყით გილოცავთ, მკითხველო, ეროვნულ გამარჯვებას მუსიკის სფეროში!

ეს გამარჯვება ისე თვალსაჩინო და საკვირველია, რომ მის მნიშვნელობას მუსიკის ხელოვნებისათვის ვერ შეედრება ვერც რადიუმის აღმოჩენის მნიშვნელობა ქიმიის სფეროში. თუ რადიუმის აღმოჩენამ ცოტა არ იყოს შეარყია სამეცნიერო ქიმიის ატომისტური თეორიის უტყველობა, ამ ჩვენმა ეროვნულმა გამარჯვებამ სავსებით გააქარწყლა მუსიკის თეორია და ნამდვილი რევოლუცია მოახდინა ამ ფარგალში.

ეს გამარჯვება შოიხვექა ჩვენმა მხცოვანმა კომპოზიტორმა გაზ. „სახ. ფურცელმა“. საანგარიშო წელში მან დაამთავრა ახალი ოპერა, რომელიც აგებულია სრულიად ახალსა და უცნობსა-მუსიკო პრინციპებზე. ყველასათვის აშკარაა, რომ ვერც წოდებულ ჰარმონიას ჰქმნის სხვა და სხვა ტონის ხმათა კეთილ-შეზავება ანუ, როგორც მემუსიკეები იტყვიან „კონსონანსი“, ხოლო კილოთა შეუწყობლობა ანუ სხვა და სხვა ტონის ერთმანეთთან შეუფარდებლობა, ე. ი. მუსიკალურ ენით რომ ვთქვათ—„დისონანსი“ წარმოშობს დისჰარმონიას, ხმათა უკეთურ შეზავებას, სასმენათ მეტათ უსიამოვნოს და ყურის. შემძრწუნებელს. ჩვენმა

ვაჟა-ფშაველას სალამო.



გურულ მომღერალთა ჯგუფი.

1. სამუელ ჩავლეშვილი, 2. ალ. მახარაძე, 3. გ. სიმონიშვილი, 4. ს. ჩხიკვიშვილი.

მოხუცმა კომპოზიტორმა (ღმერთო, მრავალს და-
 ასწარ ღღეღანდღღ ღღეს!) უარყო ეს თითქო უტ-
 ყუარი კანონი და მთელი ახალი ოპერა დაამყარა
 სწორეთ დისონანსებზე და არა კონსონანსებზე. მი-
 სი ოპერის გმირები ისეთი კილოით მღერაიან თა-
 ვიანთ პარტიებს, რომ არც ერთის ხმა არ ეგუება
 დანარჩენებისას, არსად არწმომისის „კონსონანსი“ და
 ყველგან „დისონანსი“ მეფობს. გარნა ბო-
 ლოს რაღაც მანქანებით მაინც ჰარმონია წარ-
 მოიშვის და არა დისჰარმონია. ერთმა ცნობილმა
 კომპოზიტორმა ამ საოცარ მოვლენას უბრალო
 მუსიკალური ფოკუსი უწოდა, მაგრამ ჩვენ დარწ-
 მუნებულნი ვართ, მისი ასეთი აზრი შურის გრძო-
 ბითაა გამოწვეული.

ოპერის შინარსი მოკლეთ ასეთია. არაკი
 ლიბრეტოსი ძალიანა ჰგავს „სამსონ და დალილას“
 არაკს და განსხვავება მხოლოდ ისაა, რომ აქ სამ-
 სონს ღალატობს სატრფო კი არა, არამედ მეგო-
 ბარი, ვინმე ფრანგი Monsieur geronte. ამის და
 გვართ უმთავრესი მომქმედი პირები სამსონ ძლიერი
 და M. geront არიან. პირველი სოციალისტია და მი-

სი ძლიერებაც, როგორც ბიბლიური სამსონისა,
 გრძელ თმებში იფარება. ფრანგი მეგობარი შეუტო-
 ყობს ამას და, ვინაიდან ღრმათ მორწმუნე ანტი-
 სოციალისტია, შეუმჩნევლათ ნელ ნელა ჰკვეცავს
 თმას. სამსონი გრძნობს, რომ მის სოციალიზმს და-
 ლა ელევა, მაგრამ იცის ვისი მიზეზით ჰხდე-
 ბა ეს. ბოლოს უეცრათ შენიშნავს მეგობარ ფრანგს,
 რომელიც მაკრატლით ეპარება და ყოველივე ირკ-
 ვევა მისთვის. ამას იქით სამსონი ფრთხილათაა,
 თმა თანდათან ეზრდება და როცა თმასთან ერთათ
 უწინდებური ძლიერებაც დაუბრუნდება, გრძნობა-
 შელახული და მეგობარისგან მოტყუებული სამსო-
 ნი ეცემა დედა ბოძს, წააქცევს და თავს დაანარ-
 ცხებს ყველა მომქმედ პირს დანგრეული სახლის
 ნამტვრევებს.

ბოლო მოქმედება სწარმოებს სარაჯიშვილის
 სახლის მეოთხე სართულში, სასახლის ქუჩაზე.

თავგუნა

საახალწლო კუპლეტები

„ჯერ დარდანელი დაკეტილია!“

ცხოვრებას აღლო ვეღარ ავართვი:
აზრი, გონება აწეწილია!
ყოველგვარ კითხვას
სამი სიტყვა სწყევტს:
„ჯერ დარდანელი დაკეტილია!“

ჩვენს „წილ-კან-განის“ გამგეობაში
ჩვეულებრივი ტკილი ძილია...
რატომ არ იტყვით?
იმიტომ რომა
„ჯერ დარდანელი დაკეტილია!“

ახალი სკოლა არსად გახსნილა...
(პატიოსანი და კეთილია!)
მერე მიზეზი?
მიზეზი ის, რომ
„ჯერ დარდანელი დაკეტილია!“

ქალაღი (წიგნის დასაბეჭდავი)
მათ არ ჰქონიათ დაკვეთილია...
ახლა კი ქალაღს
საღდა იშოვი?
„ჯერ დარდანელი დაკეტილია!“

ფებსაცმლისათვის მიველ ვაქართან...
(შარშან ნაყიდი გაცვეთილია)
სამი თუმანი
მომთხოვა წყვილში...
„ჯერ დარდანელი დაკეტილია!“

ღვინო ისედაც გაგვიღიდაცდა...
(ვაზს რო გაუჩნდა რაღაც ტილია)
ღღეს ზედაშედაც
ვეღარ ვიშოვე,
„სჩანს დარდანელი დაკეტილია!“

შეშისთვის მიველ ხე-ტყის ვაქართან...
(ოთანხი მიყვარს ცოტა თფილია)
საქენში მთხოვა
ათი თუმანი!!
„ჯერ დარდანელი დაკეტილია!“

მიმაკლდა ნავთი. (თუმცა მეუღლე
ნავთის ხარჯვაში ერთობ ფრთხილია!)
წაველ საძებრათ...
თქვენც არ მომიკვდეთ!
„ჯერ დარდანელი დაკეტილია!“

უფროს შვილს გუშინ (რაღაც ჯანდაბად)
ჯერ ება ასტივდა, მერე კბილია...
ესებნე და ვერსად
ვპოვე იოდი...
„სჩანს დარდანელი დაკეტილია!“

წამძლია სულმა... შეველ ღუქანში,
რო შემეძინა ცოტა ხილია...
გირვანქა ვაშლი
სამი აბაზი!!!
„ჯერ დარდანელი დაკეტილია!“

გუშინ ჩიხირთმას ხახვი მიმიკლდა...
თანაც ნიორი სამი კბილია!
ამოდ ესძებნე
დაღამებამდე...
„ჯერ დარდანელი დაკეტილია!“

მეფურნეს პური არ აღმოაჩნდა,
გამოლევია მასაც ფქვილია...
ფქვილი კი ჩვენში
საიდან მოვა,
„თუ დარდანელი დაკეტილია!“

ჩაის წყლისათვის მოვედი კრანთან...
ხახა გამშრალი დამხვდა მილია...
თავო სულელია!
განა არ იცი,
„რომ დარდანელი დაკეტილია!“

ქათამმა კვერცხი აღარ დამიღო...
აღარც კრუხი მყავს, არც წიწილია
განა რა არის
აქ გასაკვირი?
„ჯერ დარდანელი დაკეტილია!“

სახლის პატრონმა ქირას უმატა...
(არ მოუმატოს, ოჰ რა შვილია!?)
გარნა თუ იგი
ვერ გაიგებდა,
„რომ დარდანელი დაკეტილია!“

ვსტქვი:-ჩემს აქ ყოფნას ორი ბოლო აქვს:
 ან ვადარჩენა, ან სიკვდილია,
 უნდა გავმორდე
 მაგრამ სად წავალ,
 „როს დარდანელი დაკეტილია!“

იმერეთისკენ ვარჩიე ისევ,
 მიველ. სადგური გაქედილია...
 ბილეთს და ადგილს
 აქ ვინ იშოვის?
 „ჯერ დარდანელი დაკეტილია!“

იქით კი, თურმე, გადმოხვეწილებს
 ეძებს და ეძებს ვიღაც ილია...
 აი რეგვენია!!!
 როგორ იპოვას,
 „თუ დარდანელი დაკეტილია!“

ეშმაკი.

„ქაჯეთის ციხეს“.

სახალწლო მილოცვა.


(გურულ-უადაზე)

კარი გამიღეთ! - რა მომაქვს?
 ნადავლი უცხო გვარისა
 მზის მოწყინარე სიტურფით
 უციალესი მთვარისა,
 წამოყვანილი პონტოს და
 ფაზისის შესართავითა,
 მიჯნურობისთვის დასჯილი,
 რომ მოსცურავდა ნავითა,
 ნაპირს მოადგა შევიპყრე,
 უთვისტომო და ეული,
 თუმცა მანც დამაპატიმრა,
 სიტურფით ქაჯი წყეული
 მის გოდებასთან „ერებიც“
 დარჩება შეუდარები
 თვალთავან ფაზის-მტკვარჩით,
 მოჰქუხს ცრემლისა ღვარები,
 მიჯნურს დაეძებს არ იცის,
 ცოცხალია თუ მკვდარია
 ხმობილსა „ნესტან-დარეჯნათ“¹⁾
 აბოდებს ვინმე „ტარია“²⁾

უკანასკნელიც პირველის
 უცდურა მაძებარია
 გაქრილა პონტო-გურგენს შვა
 უვლია მთა და ბარია,
 მას ეხმარება „ავთანდილ“³⁾
 მიჯნური „თინათინსა“⁴⁾
 ამღზრდელ-პატრონის დამგდები
 და საკუთარი ბინისა.
 ყალბი მიჯნური „ფატმანის“⁵⁾
 ვაქართა დედოფალისა
 „უსენიც“⁶⁾ უწინ სიმთვრალით,
 გამცემი დარეჯანისა,
 აზვირთებული „ფრიდონიც“⁷⁾
 თავისი „ლეგიონითა“⁸⁾
 (თუმც ჩვენს „ზანგებთან“⁹⁾ ყველა ეს
 ვერას გახდება ღონითა)
 გამიღეთ კარი! მომდევნ,
 ნესტანის დასახსნელათა
 ზანგებს უყვივლეთ შამოკრბენ
 ციხესაშიგან მცველათა,
 რომ შამოგვებას ბრძოლაში,
 ტარიელ-მისი გმირები,
 ავთ აუხთეს თათბირი
 და მათი განაპირები.
 რადგან ტარიელს ნესტანი
 ხათუნათ უნდა, ცოლათა,
 ჩვენ კი ქაჯეთის დედოფლათ
 უფრო გვიღირდეს ყოლათა
 მიიღეთ ქაჯთა მეფეო,
 რადგან სამეფო ძღვენია,
 (თუმცა კარებზე რახუნით
 კი შეგაწუხებთ, მცხვენია).

ბუტუნა.

(ოხავსიძე)



1) „ნესტან-დარეჯანი“ — ისტორიული საქართველო.
 2) „ტარია—ტარიელი“ გაზ. „საქართველო“. 3) „ავთან-
 დილ“ „სახალწლო ფურცელი“. 4) „თინათინ“—რეალური სა-
 ქართველო. 5) „ფატმანი“ გაზ. „მეგობარი“. 6) „უსენ“
 გაზ. „სამშობლო“. 7) „ფრიდონი“—გაზ. „ზვირთი“. 8) „ლე-
 გიონი“ „ეროვნული მუშები“. 9) „ზანგები“ მუშები.

მჩხავანა კატები



მონადირეებმა სახაზინო ტყეში ირემი დაინახეს. განიზრახეს მოკვლა და განაწილება მისი.
 — ჩალაღაჯი, ბეჭი, სუკი და ბარკლები მე მერგებაო, სოქვა ერთმა.
 — ეგ სადაურია, სუკი და ბარკლები ჩემი უნდა იყოსო, წამოიძახა მეორემ.
 — ხუმრობთ, თუ რასა ჰგავს. სათბილო, სუკი და ბარკლები ბუნებრივით მე უნდა მეკუთვ-
 ნოდესო, დასძინა მესამემ.
 ველარ მორიგდენ და გაიმართა ჩხუბი.


საახალწლო მილოცვები.

მეომრებს.

ჰოი ქართველნო,
 ჰირთა მნახველნო,
 სანგრებში მსხდარნო
 სწორ-უპოვარნო!
 თქვენ მაგონდებით
 პირველ ყოვლისა,

(საბანი გხურავთ
 ვისაც თოვლისა),
 და საახალწლო
 სალამი წრფელი
 ფრთა გაშლით,
 ვითა ახალი წელი
 თქვენსკენ მოფრინავს,
 თქვენსკენ ნაფარდობს
 თქვენთან სიკვდილსაც
 აღარა დარდობს.

მხსავანა კატები



ლიშაინგ.

როდესაც მონადირენი ცოცხალ ირემს ინაწილებდენ, ტყის პირად ტყის მცველი გამოჩნდა.
მონადირეები დაფრთხენ, სახლისაკენ მოჰკურცხლეს და გადარჩენ.

მას ნუ შეხვდებით
მხედარნო მტრულად...
მიიღეთ იგი
ტკბილ-მეგობრულად
გისურვებთ სიმხნეს
ძველს, მამა-პაპურს
გულის სიმტკიცეს,
ღარღილს ვაჟკაცურს,

ქართველ სამღვდელთა.
სამღვდელოება
ჩვენი, ქართული,

ტკბილს ოცნებაში
გახლავთ გართული.
ოჰ, რა კარგია
კარგი სიზმარი!!
(და რა ცუდია
ცხვირიდან ძმარი)
ქრისტეს მცნებაში
წელ მონადუნე,
დღეს რატომ გახდა
ეგზომ მორწმუნე
ჩვენი ქართველი
სამღვდელოება?...
გამოიცვალა
განა ღროება???
არა მგონია!..

სხვაც ეგრე ფიქრობს...
 ოცნებით, ალბათ,
 იგი დარდს იქრობს...
 და თუ კი მართლაც
 „ფლავს არიგებდენ“
 ერის კაცები
 ვერ გაიგებდენ?
 ოჰ, რა კარგია
 კარგი სიზმარი!
 ოჰ, რა ცუდია
 ცხვირიდან ძმარი!!

ჩერჩებს.

ჰეი თქვენ, ჩარჩინო,
 და წურბელანო
 (ჩოთქს ვინაც აქნევთ,
 თითქმის ყველანო).
 ჩემდამი ბევრი
 გაქვთ ნამსახური
 და აი ქებაც
 დამიგდეთ ყური.

ბალში ფოთლები
 რომ გაირხევა,
 თქვენნი გაისმის
 იმათგან წყევა!
 წვიმის წვეთები
 ძირს რო სცივიან
 თქვენს ავკაცობას
 მხოლოთ სჩივიან.

ქარი რომ დაჰქრის
 და დასისინებს
 ისიც თქვენ გტირის,
 თქვენზე ქვითინებს.

თქვენ დაამტკიცეთ
 რომ ჯოჯოხეთი
 გწამთ ამა სოფლად,
 გწამთ ერთად ერთი.

რომ სხვა არვინ გვყავს
 თქვენებრ ერთგული
 თქვენებრ მორწმუნე
 ჩვენ მოციქული.

და თუ ცოცხალ არს
 კვლავ ჯოჯოხეთი,
 არ დააკლდებით
 მას არცა ერთი.

ეშმაკი.

ვაჟია, ვაჟი!

„ქართული პოლიტიკური ოჯახის ქალებით
 გაივსო:

სოციალისტ რევოლუციონერებით, სოცია-
 ლისტ დემოკრატებით, სოციალისტ ფედე-
 რალისტებით“.

„ქართული ოჯახის ნამდვილი პატრონნი
 ილია ჭავჭავაძე, ჯაკე წერეთელი, ვაჟა-ფშა-
 ველა, ამ ქაღაბიჭებით დაუძღვრებულნი 30
 წელიწადი მწარეთ მოსთქვამდენ“...

„ამ დიდებულთ მათ სიტყვებში არ
 ეღიწათ სანატრელი ვაჟის ხიფავა. ეს ვაჟი
 მათ შემდეგ დაიბადა... ზაწია, შეკუმშული
 უძღური და უსახო“.

გაზ. „საქართველო“ № 177.

ჯერ კიდევ მაშალს მესამედ არ ეყივლა, მთა-
 წმინდის ფერდობებს თალხი ლეჩაქი ეფარა, როცა
 მოსკოვის ქუჩას დასაწყისში, (თუ არა ვსცდები
 მეოთხე ნომერში) ახალშობილი ბავშვის ქყავილი
 გაისმა. მართალია მე პირადათ არ გამომიცდია
 სიტკბოება შვილის ყოლისა, მაგრამ წარმოდგენი-
 ლი მაქვს ნახულითა და გაგონილით. ამიტომ სრუ-
 ლიდაც არ გამკვირვებია ის აუწერელი კუნტრუ-
 ში, ქიხინი და ხორხოცი, რომლითაც კირისუფ-
 ლები ახალ-შობილის პირველ ჭყპინს შეეგებნენ.

— ვაჟია, ვაჟი! აღტაცებით გადასძახა ახალ-
 გაზრდათა კრებულს ბებია ქალმა „ეკალმა“.

— ვაჟია!

— ვაჟია!

— ვაჟია! ნერწყვის ყლაპვით გაიმეორეს დამს-
 წრეებმა და ცნობის მოყვარეობით დაუწყეს სინჯ-
 ვა პატარას.

— შეხედეთ, როგორი პაწია, შეკუმშული,
 უძღური და უსახოა. დასძინა ბებიამ.

— დააცადეთ როგორ „არაბუნებრივი გაიზრ-
 დება“ წარმოსთქვა ვიღაცამ.

— ვისი შვილია, ვისზე უნდა დაიწეროს?

— როგორ თუ ვისი შვილია, ვისა და
 ილიასი...

— ჰო, მაგრამ რომ არ მიიღოს? ასეთი მახინ-
 ჯი, ასეთი უსახო...

— ჩვენ მივუგდოთ და შემდეგ რაღა გზა ექ-
 ნება...

— კარგი და პატიოსანი, მაგრამ ილია რომ ცოცხალი აღარ არის...

— მაშ აკაკის მიუგდოთ.

— აკაკის მართლაც რომ მიუგდებდა კაცი, მაგრამ სად უნდა მივეგვართ ბინა რომ არა აქვს?

— საადრესო სახლში გავიგებთ; სულ ორი შაურის საქმეა

გაგზავნეს კაცი და გამოიკვია, რომ აღარც აკაკი ყოფილა ცოცხალი. მწუხარებამ მოიცვა პატარა ოთახი, მაგრამ აი გაისმა ვაჟის წრიბინი და სახეს კვლავ ღიმი მოეფინა.

— მოდი ვაჟას მიუგდოთ, ცოტათი იმასაც ჩამოჰგავს.

— ვაჟას, ვაჟას...

ვაჟა-ფშაველა იმ დროს ცოცხალი იყო, თუმცა ლოგინათ იწვა, ავანთყოფობისაგან ძალ გატეხილი. ერთი მხრით ეს უკეთესიც დარჩა.

მოსკოვის ქუჩის პირველ-შობილი ავანთყოფ მგოსანს მიუგდეს.

— ეს რა ავაზაკობაა, თავისი მახინჯი სხვას მიუგდოს კაცმა! მრისხანეთ წარმოსთქვა მგოსანმა.

— სადაური მახინჯი, მშვენიერი ვაჟია გენაცვალე. მორცხვად შენიშნა ბებია ქალმა, რომელიც თან გააყოლეს სადარაჯოთ პატარას.

— როგორი მახინჯი, მოკუმშული და უსახო რამეა... სადაური ვაჟია! ეგ ვაჟი არ არის.

— როგორ თუ ვაჟი არ არის, თქვენი ნამდვილი სახეა, ნამდვილი ხატია!..

ქალავ, არ გშვენიის ეგ სიტყვა, დიაცთა შეუფერები, წა, გამეცალე თოლთაგან ნუ მტანჯავ, ნუ შეფერები შვილნი სხოც ბლომად მისხედან, აღარ მჭირიან გერები...

— უი ქა, ეგ რა თქვი ბოშო? თუ არ შემეხვეწები კალთებს როდი დაგაგლეჯთ. წავიდეთ გენაცვა, წაჰიდეთ ჩემო იადონო, ჩემო პატარავ...

პატარა „ვაჟი“ არავინ მიიღო. ვინც კი დახედავდა ყველა ერთნაირად გაიძახოდა:

— ოჰ რა მახინჯი, რა მოკუმშული, რა უძლური და უსახოაო.

კარგა ხანს ატარეს ეგრე კარ და კარ, ვიდრე ქველმოქმედებით განთქმულმა ქართველმა თავად აზნაურობამ არ იშვილა.

ამბავი ესე ღირსია ყურადღებისა: მიუხედავად სქესობრივი სანატრელობისა,

მოსკოვის ქუჩის ღარიბი ოჯახობა უკიდურეს გარემოებაში ჩავარდა, ვინაიდან მოკუმშული, უძლური და უსახო“ ბავშვი არავითარ ვაჟურს და მით უმეტეს ვაჟკაცურ იმედს არ იძლეოდა.— შევილა „სახარე ხბოს სასკოროზე ატყობენო“, მწარე ამოხზვრით იტყოდა ხოლმე ბებია-ქალი, როცა „უძლურს, უსახოსა და მოკუმშულს“ ოჯახის წევრს დაჰხედავდა. ამას საკუთარის ღონის არა თუ პატრონობა ოჯახის, თავისი თავის შენახვაც არ შენახვაც არ შეეძლება.

— მაშ რა ვქნათ დიდედ, რა ვქნათ. ერთი „ვაჟი“ შეეძინა და ისიც ეგეთი.

— რა უნდა ვქნათ გენაცვა; სხვა გზა არ არის, მოჯამაგირეთ უნდა დავუყენოთ კნიახსა; თუ ასიამოვნებს, იქნება კიდევაც იშვილოს, ხომ იცით უშვილო და გადაშენების გზაზე დამგარია.

— ჩინებული რჩევაა!..

— საუცხოვო აზრია!

— უკეთესის მოფიქრებაც ძნელია!

ბებია-ქალის აზრმა ყველა აღტაცებაში მოიყვანა და მეორმოცე დღეს „არა ბუნებრივთ გაზრდილი“ ვაჟი „მოსკოვის“ ქუჩიდან „ბელინსკის“ ქუჩაზე გადაიყვანეს, ვგონებ მეორე ნომერში. იქ მას მართლაც გულ-მტკივნეულოდ, თითქმის მშობლიურის თანაგრძნობითა და აღერსით დაუხვდენ, ხოლო მეორმოცდახუთე დღეს კიდევაც წინადაცვითეს.

რადგანაც მოხელენი უვიცნი გამოდგენ აღნიშნულ მოქმედებაში, ამიტომ აქტი წინადაცვეთისა უხეიროდ იქნა შესრულებული და ერთად ერთი „ნუგეში“ მამულისა საჭურისად გადააქციეს.

ნათლი ბატონებმა ახალ შეძენილს საუცხოვო სახელი, „ეროვნული დემოკრატი“ დაარქვეს, პერანგად გაზეთი „საქართველო“ შეუკერეს, ხოლო პერანგის ამხანაგად ქუთათური „სამშობლო“. ბებია ქალის წინასწარმეტყველება თითქმის პირწმინდათ ახდა:

პატარა „ეროვნული დემოკრატი“ მართლაც არა ბუნებრივად იზრდება!

ჯერაც „მოკუმშული, უძლური და უსახოა“ და გულ-კეთილი მამინაცვლების მეოხებით სულდგმულობს.

მორიელი.

საერთაშორისო ომი.

(მამოსილგა)

არა მგონია, საქართველოში მოიპოვებოდეს ისეთი წერა-კითხვის მკოდნე ქართველი, რომელსაც არ გაეგონოს თანამედროვე საერთაშორისო ომის ამბავი.

ამასთანავე, არა მგონია საქართველოში მოიპოვებოდეს ორი წერა-კითხვის მკოდნე ისეთი, რომელთაც ერთნაირად ემოდეს მიზეზი და მიზეზი თანამედროვე საერთაშორისო ომისა.

და აი, „ეშმაკის მათახი“-ს რედაქციის მონდობილობით ვიკისრე მძიმე შრომა: გამომეკვლია ნამდვილი მიზეზები და გამეშუქებია ყველასათვის გასაგებათ ეს საინტერესო მოვლენა.

არ ვიცი ღმერთმანი სხვა ისტორიკოსები რისთვის ართულებენ უბრალოსა და მარტივ კითხვას ომის დაწყების შესახებ! მე არა მაქვს სურვილი მათ მივბადო და აუტკივებელი თავი ავიტკივო.

თანამედროვე საერთაშორისო ომი გამოიწვია ერთმა სერბიელმა... გიმნაზისტმა. ვინ არ იცის, თუ რა უწესოდ იქცევიათ ქუჩებში გიმნაზისტ-გიმნაზისტები! სიცილ-კასკასი, ერთმანეთის ჭკრეტა, ხშირად მწვავე სიტყვების გასროლ-გამოსროლაც *) ჩვეულებრივ მოვლენად გადაიქცა, ხოლო ამ ბოლო დროს მათში (მეტადრე გიმნაზისტებში) თუთუნის მწვევლებიც გამოერივნენ.

ვინაიდან წერა-კითხვას სხვა ქვეყნებშიაც ავრცელებენ, ამიტომ გიმნაზიები სერბებსაც აქვთ, ასტრიელებსაც და წარმოიდგინეთ გერმანელებსაც. ერთმა სერბიელმა გიმნაზისტმა 1914 წლის გაზაფხულზე რევოლუციური ესროლა და მოჰკლა ავსტრიის მეფის შემკვიდრე ფრანც-ფერდინანდი.

რას ერჩოდა ქუჩაში მიმავალ კაცს? აბა ვინ იტყვის გიმნაზისტი ამასა და ამას არ ჩაიდენსო! ვინ იცის რას ერჩოდა, მოეხასიათა და მოჰკლა. ის გიმნაზისტი გვარად პრინციპი აღმოჩნდა და და აი ამიტომაც ჩვენ გადაქრით უარყოფთ ომის როგორც ეკონომიურს, აგრეთვე ნაციონალურ

*) ამით აიხსნება ბრძნული განკარგულება ადგილობრივი სასკოლო ადმინისტრაციისა, რომლის ძალით გიმნაზისტ-გიმნაზისტებს და სხვა მოსწავლეთაც საღამოს 9 საათიდან ქუჩაში ცხვირის გამოყოფა აკრძალული აქვთ.

სარჩულს და მის გამომწვევ მიზეზად პრინციპს ვასახელებთ. ეს ომი არ არის არც იმპერიალისტური, არც ნაციონალური, არამედ იგი წმინდა პრინციპიალურია.

ავსტრიის ხემწიფეს ძლიერ ეწყინა საყვარელი ძმის წულის სიკვდილი და სერბიას ნოტა გაუგზავნა.

ნოტებს არავითარი ყურადღება არ მიაქცია. ახლა იოსებმა ნოტებს ულტიმატუმიც მიაყოლა. ულტიმატუმი ძნელი მოსანდებელი იყო და სერბიამ არ მიიღო.

მაშინ ავსტრიამ სერბიას ომი გამოუცხადა.

აი ომის დაწყების ნამდვილი მიზეზები და არა ის, რომლებსაც ჩვენი ჟურნალ-გაზეთები ივრცელებენ. არ ვიცი ღმერთმანი სად არის აქ, ან ნაციონალური, ან ეკონომიური მიზეზები.

სერბია რუსეთის ბიძაშვილია, ავსტრია კი გერმანიისა. ამიტომაც რუსეთი სერბიას ამოუდგა მხარში, ხოლო გერმანია კი ავსტრიას. საფრანგეთმა მიიხედ-მოიხედა და ისევ რუსეთი ამჯობინა. ინგლისიც ასე მოიქცა. იტალია პირველ ხანებში ნეიტრალიტეტს იჭერდა. საბერძნეთი, რუმინია, შვეცარია, გოლანდია, დანია, შვეცია, ნორვეგია, ისპანია და პორტუგალია ახლაც ნეიტრალიტეტს იჭერენ. *) ოსმალეთი და ბულგარია გერმანიას ამოეკედლენ.

ომი, როგორც მოგახსენეთ, გამოიწვია სისხლის აღების ჩვეულებამ. ეს სამარცხვინო ჩვეულება დღესაც ფეხგადგმულია ევროპის განათლებულ ერთა შორის და ჩვენს მთიულ ტომებში.

*) ნეიტრალიტეტი თევზი არ გვევლინა. როცა იტყვიან: „ნება და ეს ქვეყანა ნეიტრალიტეტს იჭერსო“ ეს იმას ნიშნავს, რომ იგი თავისთვის ზის და არავის არ ეხმარება. ამით, რასაკვირველია იმის თქმა კი არ მინდა, თითქო ნეიტრალიტეტის დაჭერა თევზის დაჭერაზე ნაკლებ სარგებლიანი იყოს, პირიქით!

**) ეს ცნობები ამოკრებილია თფილისის ჟურნალ-გაზეთებიდან.

დ ა ნ ა კ ლ ი ს ი.

ომი სწარმოებს აგერ წელიწად-ნახევარია. საინტერესო და დამაფიქრებელია იმ დაახლოებითი ზარალის გათვალისწინება, რომელიც კაცობრიობას თავს დაატყდა, ვილაც გიმნაზისტის მიზეზით.

ს უ რ ს ა თ-ს ა ნ ო ვ ა გ ე.

უკვე ომის პირველსავე თვეებშივე გამოიჩინა, რომ სურსათ-სანოვანის მხრით ჩვენი მჭრები უკიდურეს პირობებში იყვნენ. ყოველ-მხრივ გარშემორტყმულთ რასაკვირველია თავისი საკუთარი სურსათი მალე დაეღეოდა, მით უმეტეს, რომ ერიშების დროს გერმანელები თითქმის არა ზოგავენ პატრონებს. *)

*) ცბიერმა მშვენივრად გამოიყენა ისტორიული სიტყვები ერთ-ერთი ნიჟიერი და შორს გამკერტელი რუსი მოხელისა: „Патроновъ не жалѣть!“

საახალწლო საუბარი.

(ბათუმისთვის)

დასასრულ ორიოდ სიტყვა ბრძოლის სა-
შვალებათა შესახებ.

უბრალო საყსბო-სასაკლაოთა განვითარების ისტორია აშკარა ჰყოფს ადამიანთა გონებრივ გან-
ვითარებასა და გულჩვილობის გრძობათა გაღვიძე-
ბას. ძროხათა და ხართა, ღორთა და ცხვართა
მოკვდინების საშუალებანი დღეს გაცილებით უფ-
როა ჰუმანიურია და უკეთეს პირობებში ხდება,
ვიდრე ეს იყო ამ რამოდენიმე ათეულ საუკუნეთა
წინ. მაშასადამე რაღა გასაკვირია, თუ გულჩვილთა
და ლმობიერ მეცნიერთ ეზრუნათ ომის დროს
ადამიანთა სიკვდილის შესამსუბუქებლათ. აი ამ
რამდენიმე წლის წინეთ ვიდაც ამერიკელ ინჟინერ-
მა მოიგონა ეგრედ წოდებული „ქველ-მომქმედი“
პატრონები, რომელნიც, როცა ვახვრეტს ადამი-
ანის გულს, თავს, ან სხვა რაიმე ორგანოს, სტო-
ვებს შიგ ერთგვარ, დამაძინებელ ნივთიერებას და
მომაკვდავს ტანჯული სული ძილში ამოსდის.

ჩვენმა მტრებმა ფეხ-ქვეშ გათელეს ლმო-
ბიერი პრინციპები და შამოილეს:

- 1) მოწამლული კვამლით გამოხრჩობა.
 - 2) აღუღებული წყლით მომდუღება და
 - 3) ასატირებელი გაზით აცრემლება.
- (შემდეგი მეორე საახალწლო ნომერში).

ისტორიკოსი.

მოწყალენო ხელმწიფენო!
დიდი ბოდიში რომ ამ საახალწლო საუბარს
ვბედავ არა ლექსათ.

თ-ღს ი. ზ. ა-ს.

ნეტა ვიცოდეთ, ცნობილი ქუთათური კულე-
ბაკინის რაიმე ნათესავი ხომ არა ბრძანდებით?

ე. შ. კ-ს.

მართალია ხურდა ფული გაძვირდა, მაგრამ
ადამიანი მის მაგიერობას ვერ შესძლებს.

რეჟ. ბ. ნ-ს.

ყველაფერი შენს ნებაზე რომ მიგყავს, ცოტა
კოლლეგებსაც დაუჯერე.

ი. ს. მ-ს.

სიხარულით მოველით თქვენს მეორე იუბი-
ლეს. იმედია თქვენს ტკბილს ხმას კვლავ გაგვაგო-
ნებთ.

მ. ა. ჩ-ს.

ხომ ხედავთ (კოცხლათ აღარ გიშვებენ, თხოვ
ნით ნუ აწუხებთ აწ უბრავეს.

ს. ჯ. უ-ს.

ნეტავ იგი მაცოდინა, როდის ნახავ შენ მარ-
გალიტს?

ბ. ი-ღს.

ინვენტარი უკვე შესდგა და შენ აწ....

ბ. დ. გ-ს.

არა მჯერა, რომ ნურის მეწვანლიეთა საზო-
გადოების სარევიზიო კომისიის თავმჯდომარეობა-
ზე თქვენ უარი სთქვით.

გ. დ. ე-ს.

წარსულ არჩევნების დროს შენს გარდა სხვა-
მაც განიცადა თავისტება და რყევა იმის გამოცნო-
ბაში, თუ რომელი მხარე გაიმარჯვებდა.

გ. ს. ს-ს.

ხმა დადის, „Батумский День“ მხოლოდ
ოთხის წლით შეჩერდება.

მ. ჯ-ს.

უბრადაში ვინ გყავს რიგში „სარეჟოთ“?

გ. ლ. ე-ს.

ბათუმში რომელი დაწესებულების გამრავლების მომხრე უფროა ბრძანდებით, — შემოსავლიანის თუ შემოუსავლოსი?

ღ. ს. ქ.

შენდობა მამაო!

გრ. აბ-ს.

სრული ქეშმარიტებაა, „რომ შენი პერანგი უფრო ახლოა შენს ტანთან“.

ბ. გ-ს.

რა დიდი საქმეა, „სამაგალითო ექიმმა“ სამაგალითო სახლი აიგოს.

კ. ა. წ.

იყავ შენ, ვითარცა სხვანი, და იქნებიან ისინი ვითარცა შენ.

ა-ნ. ს-ს.

ბელაური ყველა მხედარს არ იზურგებს.

ს. გ. მ.

მოდით ერთი, „ხონური კენჭობია“ ვითამაშოთ!

კ. ა. გ-ს.

კარგათ უტყვე, მარა მგლები მაინც არ გეპუებიან.

თ-ღ მ. მ. ნ.

ერთ მხარეზე ფულები აწყვია, მეორეზე ყველაფერი — შენ რომელს აირჩევ?

ქაჯაქის გამგეობას.

1916 წლის ხარჯთ აღრიცხვის წიგნში არ დაგავიწყდეთ შეტანა იმ ხარჯებისა, რომლებსაც სიმშლით მკვდარი მოსამსახურეების დამარხვა გამოიწვევს.

გელისციხელი ვაჭრების ფიცი

ფფიცავთ ჩვენი ქურუმის სივ — ს მკაცრს კამპრიახობას,

ფფიცავთ ჯოჯოხეთის ნანგრევ ქვათა ლალადსა, ფფიცავთ ჩვენგანვე დარბთაგან ამოხდილ სულებს და მათი ტყავისაგან ჩვენთვის შეკერილს ქურქებს.

ფფიცავთ ჩვენს გაიძვერობას,

ფფიცავთ მიმალულს, წონაში ნაკლებ ფფიტ-გირვანქიანსა და სანოვაგეთა საწყაოებს,

ფფიცავთ ჩვენს, მუშტრისადმი ურცხვ თვალებსა,

ფფიცავთ იმა გზას, რომლითაც გაგვიშა ჩვენი სინილისი,

ფფიცავთ ჩვენგან მიმალულ სავე ფქვილის ტომრებს.

ფფიცავთ ეშმა გეოს მოხერხებულს ჯადოქრობასა,

ფფიცავთ ჩვენგანვე თვით ანტეკრისტეს ეშმაკურათ მოტყუებასა,

ფფიცავთ ყასბებისაგან არხენად მკამლობას.

ერთი სიტყვით ფფიცავთ, ფფიცავთ და კიდევაც ფფიცავთ.

რომ, ჩვენისთანა ბედნიერი, არა ვგონებთ კიდევ იყვეს საღმე ერი!

ხუნხუნელი ბორა.

თფილისის საზოგადოების საყურადღებოთ.


გვაქვს პატივი ვავუწყოთ პატივცემულ საზოგადოებას, რომ ჩვენ მომავალ დღესასწაფლებისთვის გვაქვს საგანგებოთ დამზადებული კარგი ღირსების კვასი „ჩვენი გემო“ და ვურჩევთ პატივცემულ მხმარებლებს, რომ ამ ღვინის სიძვირის დროს ისარგებლონ ჩვენ მიერ დამზადებული კვასით.

„ჩვენი გემო“ არაფრით არ ჩამოუარდება დღევანდელ ზოგ ფირმების ღვინოებს და პირიქით ჯანმთელობისათვის მეტი სარგებელიც არის და გაცილებით სჯობია სხვა მის გვარ სასმელებს; მეტადრე პურის ჭამის დროს ძლიერ სასიამოვნო არის. ქარხნის ადრესი ჩერქეზოვის ქუჩა № 38 ქალაქის „ღეჩენიცი“ ქვეშ.

ვინც ათ ბოთლობით დაიკვეთს დაკლებულ ფასებში დაეთმობა „ჩვენი გემო“ იყიდება ყველა საუკეთესო მაღაზიებში და ბუტკებში.

ქარხანა ღიაა დღის 8 საათიდან საღამოს 6 საათ. გთხოვთ პირადათ დარწმუნდეთ.

პატივისცემით ამხანაგობა „ჩვენი გემო“.



მობუცი დაეცა. ახალი წელი გამარჯვებას ღღესასწაულობს.